


宋元明清傳記
資料叢刊系列

遼金元傳記 資料叢刊

本社影印室 輯

北京圖書館出版社



遼金元傳記 資料叢刊

本社影印室輯

14

北京圖書館出版社

第十四冊目錄

元朝名臣事略	蘇天爵	撰		一
元儒考略	馮從吾	撰		六七

蘇天爵撰

元朝名臣事略

武英殿聚珍本

御製題武英殿聚珍版十韻

有序

校輯永樂大典內之散簡零編並蒐訪天下遺籍不下萬餘種彙爲四庫全書擇人所罕覩有裨世道人心及足資考鏡者剞劂流傳嘉惠來學第種類多則付雕非易董武英殿事金簡以活字法爲請旣不濫費棗梨又不久淹歲月用力省而程功速至簡且捷考昔沈括筆談記宋慶歷中有畢昇爲活版以膠泥燒成而陸深金臺紀聞則云毘陵人初用鉛字視版印尤巧便斯皆活版之權輿顧埏泥體麤鎔鉛質輟

俱不及鋟木之工緻茲刻單字計二十五萬餘雖數
百十種之書悉可取給而校讐之精今更有勝於古
所云者第活字版之名不雅馴因以聚珍名之而系
以詩

稽古搜四庫於今突五車開鐫思壽世積版或充閭張
帖唐院集周文梁代餘同爲製活字用以印全書精越

鵝冠體

昨歲江南所進之書有鵝冠子即活字版第字體不工且多訛謬耳

富過鄴架儲

機圓省雕氏功倍謝鈔胥聯腋事堪例埏泥法似疎毀

銅昔悔彼

康熙年間編纂古今圖書集成刻銅字爲活版排印歲工時之武英殿歷年既久銅字或

被竊缺少司事者懼干咎適值乾隆初年京師錢貴遂
請毀銅字供鑄從之所得有限而所耗甚多已爲非計
且使銅字尚有則今之印書刊本此慙予旣復羨梨棗
不更事半功倍乎深爲惜之刊本此慙予旣復羨梨棗
還教慎魯魚成編示來學嘉惠志符初

乾隆甲午仲夏

聖元基朔方立人極世祖皇帝混破裂而一之廣輪理古職方所未半其天地之
再初乎渾淪所鍾命世卓絕之才實輩出輔成之故威德大業之所著自顯穹生
民未之有也然而百餘年來元勳偉績世未盡白故老知者湮沒無幾家乘志銘
不能家至而徧知也仁皇御極勅太史傳功臣而玉堂秘奧與世莫得而見焉監
察御史趙鼎蘇天爵伯脩輯國朝名臣事略十五卷湖北憲刻諸梓徵叙其端
有士在京師早知伯脩之才而未知其有是編也惟其培塿上庠歷史屬久故
致之也詳擇之也審其類例徵朱子言行錄條有徵據略而悉豐而核其四方之
爭先快覩者乎竊惟國朝真才雲集是編才四十七人有齊民知名而未錄者蓋
朱子例潤有所得當續書之也若是則四方之快覩者不一伯脩之學子其益昌矣
又不知今士大夫用心如伯脩者幾人世所望於太史氏出于事略之外者其將有
所屬乎憲長篤禮質班幕府李穀王大有賦風紀育人材俾觀者率作是亦
韓子所謂幸聯得書者也至順壬申良月中議大夫前參議中書省事相臺
許有壬叙



元本每半葉十行每行二十字

元字提行

國元朝名臣事略序

應奉翰林文字趙郡蘇伯修修年弱冠卽有志著書初爲
胄子時科目未行館館下士鮮言詞章講誦既有餘暇且
筆札又富君獨博取中朝鉅公文集而曰鈔之凡元臣世
卿墓表家傳往往見諸編帙中及夫閒居紀錄師友誦
說於國初以來文獻有足徵者彙而梓之梓始疏其人若
干屬以其事中更校讎櫛去而導存存抉隱而蒐逸久而
成書命曰國朝名臣事略他日余與伯修修同預史屬從
借讀之作而嘆曰壯哉元之有國也無競由人乎若太

師魯國淮安河南楚國諸王公之勲伐中書令丞相耶律楊史之器業宋商姚張之謀猷保定臺城東平鞏昌之方略二王楊徐之辭章劉李賈趙之政事興元順德之有古良相風廉恒山康軍國之有士君子操其他臺府忠盡之臣帷幄文武之士內之樞機外之藩翰班班可紀也太保少師三太史天人之學陵川容城名節之特異代_豈多見哉至於司徒文正公尊主庇民之術所謂九原可作我則隨武子乎嗟乎乾坤如許大人才當輩出伯修是編未渠央也姑志余所見如是云天歷已

已四月乙卯翰林待制冀郡歐陽元謹序

自古帝王有天下或受於人或起而取之堯舜禪讓湯

武弔伐厥時義大矣書紀唐虞之際易稱湯武革命順

天應人皆有輔佐同心一德後世可述焉孟子曰五百

年必有王者興其間必有名世者傳曰有立德立功立

言是謂不朽誠哉是言也三代而降其盛者曰漢曰唐

曰宋夫子言革之時蓋謂必有不得其義者矣如近代

是也皇元起朔方紹帝運接統資始於天不因於人遂

大作明命訓戒宇內一啓而金人旣南遼海和輯再啓

元本無疆字

聖人提行

而西域率服遂拓坤隅三啓而靖河北秦晉截集河南
是同分宗子以方社胙功臣之士疆四啓而庸蜀是柔
五啓而江漢奄從趙氏爲臣陸道西北見角端綱溟海無
際舶乃旋臚凡有血氣者莫不尊親而崇極配天矣厥
初受命南北割裂天氣不通二氏不享天寶醜之乃眷
北顧俾我聖人作神天主完顏璟割虐下民趙氏證爽盟
背約自伐喪其國家大哉貞矣其允時義也易曰田有
禽利執言此之謂也其始桓毅討伐虔劉戡定之其暨
肅恭恪勤斐罔輯柔就緒之其暨勸相富厚之定之以

上下道之以名分淑之以庠序秩之以禮樂慶之以官
賞董之以威罰而天下成矣列聖運於上賢臣贊於下
穆穆明明相須以成相濟以寧是故舜有臣五人而天
下治武王有亂臣十人非虛言也故論本朝輔亮之臣
其佐命垂統或鷹揚於外或運籌於內有同肇迹之艱
難者矣其輔翼成化或規模宏遠或論思密勿有登治
道之鴻熙者矣翰林修撰趙郡蘇君天爵始爲成均諸
生好訪當今之故考遺失迹購精百家行狀碑誌傳贊敘
述及他文賅載者見其本末旣而仕爲典籍應奉凡三

爲史氏在職八年遂徵以所知無所乖舛於是紀述其
故自國初至於延祐之際自太師國王以下或周召懿
親或岐豐鸞姓或秉義効順或疏附後先見或策杖上謁
或徵起草野功格皇天保乂國家所謂名世者夫德器
優遠悉心盡職不顧已私所謂不朽者夫歷代以來善
終善始未有若今日之懿者也昔漢高之臣皆戰國之
餘非南面而王之不能畢其功全莫我若也光武之臣
皆生西漢多經術之士功定天下不過封侯賞莫我若
也使高光易世而居亦不能相及何哉其人異也天生

聖賢共成大業豈漢敢望哉書成凡十五卷號名臣事
略其事之所載盡標作者姓氏示不相掩也其名位顯
著功在帝室求未得者續爲後錄蘇君常閱宋氏以來
史官不得盡其職載筆之士多乖故實宋人詳而多曲
筆又^曲以比時遼金簡而徑事多湮昧於是著其故輯其
闕漏別爲遼金紀年皇道之成與三代同風身爲史氏
顧己職業繹而明之君子哉其用心也蘇氏自唐宰相
味道以文章顯宋太師文忠公軾父子兄弟砥礪城焉
所從來遠矣繼之者修撰君也泰定初故侍講會稽袁

公薦君亮達前代文獻今侍講蜀郡莫公舉君該洽文辭爾雅由是遷修撰云至順辛未六月辛亥賜進士出身文林郎翰林國史院編修官南鄭王理謹序

元本世跋鈔補

右國朝名臣事略趙郡蘇君伯脩所編也為書凡十五卷四十又七人惟我國家起於朔方也則有國人族姓服其勤勞及定中土也則有才臣碩輔任其經畫凡百有為天寶相之然猶烈聖相承歷時既久而大統始集故世祖之用人不以異域之臣為疑亡國之俘為賤拔於卒伍聘於韋布皆能佐一王之業輔萬世之基致治之規上軼隆古何其宏遠哉梁茲在錄其從太祖之肇基王迹事世祖之受天命歷成宗武宗仁宗之繼體守文其時有後先故人人人事功或有異焉然使昭代之興煥乎可述得人之際於斯為盛凡家傳碑誌之所載者此得以摭其略詳則具於國史蘇君學博而材周器宏而識遠今為應奉翰林文字同知制誥兼國史院編修官天歷二年二月朔旦太常博士王守誠書